



TOSHKENT DAVLAT YURIDIK UNIVERSITETI REKTORINING B U Y R U G ' I

26.01.2024

45-tm-son

Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida

Yuridik ta'lim muassasalari (harbiy, maxsus oliy ta'lim muassasalaridan tashqari) talabarlari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risidagi nizom (ro'yxat raqami 2548, 2013-yil 31-dekabr) hamda Toshkent davlat yuridik universiteti 2023/2024-o'quv yili o'quv rejalari talablari ijrosini ta'minlash maqsadida

BUYURAMAN:

1. Bakalavriat 4-bosqich talabalarining 2024-yilning 5-fevraldan 12-aprelga qadar bitiruv malakaviy amaliyot o'tashi belgilansin.

2. Bakalavriat 4-bosqich talabalarining 1-ilovadagi ro'yxatga muvofiq davlat hokimiyati va boshqaruvi organlari, sud, huquqni muhofaza qiluvchi organlar, advokatlik tuzilmalari, xo'jalik boshqaruvi organlari, tijorat tashkilotlari, nodavlat notijorat tashkilotlar, moliya-bank va boshqa tashkilotlarda bitiruv malakaviy amaliyot o'tashi belgilansin hamda professor-o'qituvchilar bitiruv malakaviy amaliyotga rahbarlar etib tayinlansin.

3. Bakalavriat 4-bosqich talabalarini Qoraqalpog'iston Respublikasi, viloyatlar va Toshkent shahridagi davlat organlari, idoralari va boshqa tashkilotlarga bitiruv malakaviy amaliyotini o'tashlari uchun joylashtirish maqsadida joriy yilning 5–7-fevral kunlari 2-ilovaga muvofiq professor-o'qituvchilar xizmat safariga yuborilsin.

4. Fakultet dekanlari:

Bitiruv malakaviy amaliyot rahbarlari bilan birgalikda talabalarga bitiruv malakaviy amaliyotning tashkil etish tartibi, amaliyot o'taladigan tashkilotlarning ichki tartib qoidalariga qat'iy rioya qilishi yuzasidan keng tushuntirishlar tashkil etsin;

talabalarning amaliyot o'tashlari, ularning amaliyot hisobotlarining o'rnatilgan tartibda rasmiylashtirilishi bo'yicha belgilangan chora-tadbirlar samarali joriy etilayotganligi ustidan doimiy monitoring o'rnatish;

mas'ul etib belgilangan bitiruv malakaviy amaliyot rahbarlari tomonidan qabul qiluvchi tashkilotda amaliyot o'tash bilan bog'liq aniqlangan kamchilik va muammolarni bartaraf etish yuzasidan choralar ko'rsin;

bitiruv malakaviy amaliyot samarali tashkil etilishini muntazam ravishda muvofiqlashtirib borishda O'quv-uslubiy boshqarma (Registrator ofisi) Bandlik (karyera) bo'limi (J.Axmedov)ga ko'maklashsin;

bitiruv malakaviy amaliyot jarayonini tahlil qilsin hamda tahlil natijalari haqida har 15 kunda universitet rektoriga axborot kiritib borsin.

5. Kafedra mudirlari bitiruvchilar amaliyotini o'z vaqtida va sifatli nazorat qilib borish uchun bitiruv malakaviy amaliyot rahbarligiga biriktirilgan professor-o'qituvchilarning o'quv yuklamasi hajmini qayta ko'rib chiqsin va ularga tegishli sharoit yaratib berish choralarini ta'minlasin.

6. Bitiruv malakaviy amaliyot rahbarlari:

talabalarning amaliyot o'tashlarini, ularning amaliyot hisobotlarini o'rnatilgan tartibda rasmiylashtirilishini nazorat qilib, amalga oshirilgan ishlar yuzasidan haqida har 15 kunlik ma'lumotlarni O'quv-uslubiy boshqarma (Registrator ofisi) Bandlik (karyera) bo'limi (J.Axmedov)ga taqdim etib borsin;

bitiruv malakaviy amaliyot yakunlari bo'yicha hisobotlar 2024-yilning 19-apreliga qadar elektron tizim orqali O'quv-uslubiy boshqarma (Registrator ofisi)ga topshirilishini tashkil etsin;

bitiruv malakaviy amaliyot jarayoni bo'yicha shaxsan mas'ul ekanligi to'g'risida qat'iy ogohlantirilsin.

7. O'quv-uslubiy boshqarma (Registrator ofisi) (S.Bazarov) 2024-yilning 19-apreliga qadar bitiruv malakaviy amaliyoti yakunlari bo'yicha hisobotlarni baholovchi professor-o'qituvchilardan iborat komissiya tarkibini tasdiqlash uchun kiritsin.

8. Kadrlar bo'limi (S.Mamanazarov) bitiruvchilar amaliyotini nazorat qilib borish uchun biriktirilgan professor-o'qituvchilarning xizmat safari bilan bog'liq hujjatlarini tegishli tartibda rasmiylashtirsin.

9. Universitet bosh buxgalteri (M.Parpiyev) 4-bosqich talabalarini Qoraqalpog'iston Respublikasi, viloyatlar va Toshkent shahridagi davlat organlari, idoralari va boshqa tashkilotlarga bitiruv malakaviy amaliyotini o'tashlari uchun joylashtirishga mas'ul professor-o'qituvchilarning xizmat safari bilan bog'liq xarajatlar universitetning byudjetdan tashqari mablag'lari hisobidan qoplanishini ta'minlasin.

10. Devonxona (X.Abdullayev) mazkur buyruqni universitetning barcha tarkibiy bo'linmalariga yetkazilishini ta'minlasin.

11. Mazkur buyruq ijrosini nazorat qilish o'z zimmda qoldiraman.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Bo'lim boshlig'i

J.AXMEDOV



Kelishildi:

Boshqarma boshlig'i

S.BOZAROV



Bo'lim boshlig'i

S.MAMANAZAROV



Katta yuriskonsult

A.TURSUNOV



Bosh buxgalter

M.PARPIYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV



Dekan o'rinbosari

B.NORMATOV



Buyruq bilan tanishdim

J.AXMEDOV

